

REPUBLIKA E SHQIPËRISË
ENTI RREGULLATOR I ENERGJISË
BORDI

VENDIM

Nr. 298, Datë 17.11.2025

MBI

**DISA NDRYSHIME NË VENDIMIN E BORDIT TË ERE-S NR. 176, DATË 04.11.2020
“MBI LICENCIMIN E SHOQËRISË “KOKA & ERGI ENERGY STAVEC” SH.P.K., NË
VEPRIMTARINË E PRODHIMIT TË ENERGJISË ELEKTRIKE NGA HEC
“STAVEC” ME KAPACITET TË INSTALUAR 6250 KW”**

Në mbështetje të nenit 16 të ligjit nr. 43/2015, “Për sektorin e energjisë elektrike”, i ndryshuar;; nenit 113 të ligjit nr. 44/2015 “Kodi i Procedurave Administrative të Republikës së Shqipërisë”; si dhe nenit 15 të “Rregullores për organizimin, funksionimin dhe procedurat e ERE-s”, miratuar me vendimin e bordit të Entit Rregullator të Energjisë (ERE) nr. 96, datë 17.06.2016; Bordi i ERE-s, në mbledhjen e tij të datës 17.11.2025, mbasi shqyrtoi relacionin e përgatitur nga Drejtoria e Politikave të Burimeve të Rinovueshme, me nr. 2870 prot., datë 14.11.2025, “Mbi disa ndryshime në vendimin e bordit të ERE-s nr. 176, datë 04.11.2020 “Mbi licencimin e shoqërisë “KOKA & ERGI ENERGY STAVEC” sh.p.k. në veprimtarinë e prodhimit të energjisë elektrike nga HEC “STAVEC” me kapacitet të instaluar 650Kw”,

Konstatoi se:

1. Të dhëna mbi shoqërinë “KOKA & ERGI ENERGY STAVEC” sh.p.k.

- Bordi i ERE-s me vendimin nr. 176, datë 04.11.2020, ka vendosur të licencojë shoqërinë “KOKA & ERGI ENERGY STAVEC” sh.p.k. në veprimtarinë e prodhimit të energjisë elektrike nga HEC “Stavec” me kapacitet të instaluar 6520 kW, për një afat 23 - vjeçar.
- Në pikën 2 të vendimit të 176/2023 përcaktohet se “Shoqëria “Koka & Ergi Energy Stavec” sh.p.k. të bëjë me dije ERE-n mbi ecurinë e procesit të aplikimit për rinovim në çdo rast aplikimi, si dhe të depozitojë në ERE çdo dokument/leje që i nënshtrohet procedurës së rinovimit, jo më vonë se 1 muaj pas rinovimit të tyre”.
- Gjithashtu në pikën 3 të këtij vendimi përcaktohet se “Me plotësimin e afatit dhe kushteve të parashikuara në pikën 2 të këtij vendimi, ERE rezervon të drejtën e rishikimit të këtij vendimi”.

2. Korrespondenca dhe Dokumentacioni i Depozituar nga Shoqëria

- Pika 2 e vendimit të bordit të ERE-s nr. 176, datë 04.11.2020, i është referuar rinovimit të kontratës së qirasë, e cila është e vlefshme deri në vitin 2043 si dhe lejes së përdorimit të burimit ujor me afat vlefshmërie deri më 10.08.2025.
- Për sa i përket rinovimit të kontratës së qirasë, në vijim të ndryshimeve të miratuara me vendimin e bordit të ERE-s nr. 220, datë 01.09.2022 në “Rregulloren për Procedurat dhe Afatet për Dhënie, Modifikimin, Transferimin, Rinovimin dhe Heqjen e Licencave në Sektorin e Energjisë Elektrike”, e ndryshuar, është riformatuar neni 9 i rregullores “Formati dhe dokumentacioni për aplikim”, duke shfuqizuar gërmën “g” të pikës 2 të këtij neni, e cila përcaktonte se në dokumentacionin juridik, administrativ dhe pronësor të paraqitur për aplikim përfshihen dhe dokumentet që vërtetojnë pronësinë e aplikuesit në zonat ku do të shtrihet projekti.
- Në lidhje me rinovimin e lejes së përdorimit të burimit ujor, e cila ka patur afat vlefshmërie deri më 10.08.2025, shoqëria “KOKA & ERGI ENERGY STAVEC” sh.p.k. me shkresën e

protokolluar në ERE me nr. 1765 Prot., datë 15.08.2024, ka paraqitur një kërkesë lidhur me modifikimin e licencës së prodhimit të energjisë elektrike. Ndër dokumentacionin e paraqitur bashkëlidhur këtij aplikimi, ndodhet edhe leja për përdorim burimi ujq sipërfaqësor me nr. 27 Prot., datë 07.11.2022, e miratuar me Vendim të Këshillit të Basenit Ujq Mat, nr. 26, datë 12.10.2022, e cila e ka periudhën e vlefshmërisë sipas kontratës së koncesionit. Subjekti ka rinovuar lejen e përdorimit të burimit ujq brenda afatit të vlefshmërisë dhe kjo leje është e vlefshme përgjatë gjithë periudhës së licencimit.

3. Analiza Ligjore dhe Vlerësimi

- Shoqëria është realizuar për të gjithë periudhën e licencimit si në rastin e lejes së përdorimit të burimit ujq, si në rastin e kontratës së qirasë që nuk është më kërkesë e rregullore për licencim, kështu vlerësohet se kushti është i përmbushur nga shoqëria dhe për rrjedhojë duhet shfuqizuar.
- Me shfuqizimin e këtij kushti, atëherë duhet të shfuqizohet dhe pika 3 e vendimit 176/2020, e cila përcakton se ky vendim është objekt rishikimi në kuadër të plotësimit të kushtit të përcaktuar në pikën 2.

4. Nevoja për Ndryshimin e Vendimit

- Në mbështetje të nenit 113 të ligjit nr. 44/2015 “Kodi i Procedurave Administrative të Republikës së Shqipërisë”, i cili parashikon se një akt administrativ mund të ndryshohet, shfuqizohet apo anulohet, kryesisht nga organi publik që ka kompetencë për ta nxjerrë atë, vlerësohet që pikat 2 dhe 3 të vendimit të Bordit të ERE nr. 176, datë 04.11.2020, duhet të shfuqizohen pasi “KOKA & ERGI ENERGY STAVEC” sh.p.k ka përmbushur kushtin përkatës dhe duhet të reflektohet situata aktuale e realizimit të projektit.

Për gjithë sa më sipër, bordi i ERE-s,

Vendosi:

1. Pikat 2 dhe 3 të vendimit të ERE-s nr. 176, datë 04.11.2020, shfuqizohen.
2. Drejtoria e Politikave të Burimeve të Rinovueshme, të njoftojë shoqërinë “KOKA & ERGI ENERGY STAVEC” sh.p.k., Ministrinë e Infrastrukturës dhe Energjisë, “OSSH” sh.a. dhe “ALPEX” sh.a., lidhur me vendimin e Bordit të ERE-s.

Ky vendim hyn në fuqi menjëherë.

Çdo palë e përfshirë në këtë procedurë mund t’i kërkojë ERE-s, brenda 7 ditëve kalendarike nga data e marrjes dijeni, rishikimin e vendimit të bordit në rast se ka siguruar prova të reja që mund ta çojnë bordin në marrjen e një vendimi të ndryshëm nga i mëparshmi apo për gabime materiale të konstatuara. Për këtë vendim mund të bëhet ankim në Gjykatën Administrative Tiranë, brenda 30 ditëve kalendarike nga dita e publikimit në Fletoren Zyrtare.

Ky vendim botohet në Fletoren Zyrtare.

KRYETARI

Petrit AHMETI